



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia VWestfaliæ

Schaten, Nicolaus

Nevhvsii, 1690

Scripsit idem Gregorius Papa II. Ad clerum, ordinem, & plebem, Cui
Bonifacius ordinatus fuerat Episcopus in hunc modum.

urn:nbn:de:gbv:3:1-367846

G R E G O R I I P A P A E I I .

Ad universum populum Thuringorum.

*Vt Bonifacio Episcopo suo in omnibus obdiant, & Episcopia atque Ecclesias construant.**Gregorius servus servorum Dei universo populo Thuringorum.*

Dominus Jesus Christus Filius Dei, et Deus verus, de cœlis descendit, homo factus est, et pro nobis pati et crucifigi dignatus est, et sepultus ter tia die resurrexit à mortuis, et ascendit in cœlum: discipulis etiam suis sanctis ait: Euntes docete omnes gentes, baptizantes eos in nomine Patris, et Filii, et Spiritus sancti: ipse in se credentibus vitam aeternam promisit. Cupientes ergo vos in perpetuum nobiscum gaudere, ubi finis gaudii nullus est, nec tribulatio, nec aliqua amaritudo, sed gloria sempiterna; ideo fratrem nostrum sanctissimum Bonifacium Episcopum ad vos direximus, ut vos debeat baptizare, et fidem Christi docere, et ab errore ad viam salutis deducere, ut salutem habeatis et vitam sempiternam. Vos ergo ei in omnibus obedite, et sicut patrem vestrum illum honorate, et ad ejus doctrinam corda vestra inclinate. Quia illum non pro lucro aliquo temporali conquirendo direximus, sed pro lucro animarum vestiarum ad vos eum misimus. Diligite ergo Dominum, et in nomine ejus baptismum suscipite: quia Dominus Deus noster, quod occlus hominis nunquam vidit, nec in cor hominis ascendit, preparavit diligenteribus se. Nam recedite à malis operibus, et agite bene: non adoretis idola, nec immoletis carnes, quia Deus non recipit ista: sed in omnibus secundum quod vos frater noster Bonifacius docuerit, observe et agite, et salvi eritis, et vos et filii vestri in sempiternum. Facite ergo et domum, ubi debeat ipse pater vester Episcopus habitare, et ecclesias ubi orare debeat, ut Deus indulgeat peccata vestra, et donet vobis vitam sempiternam.

Scripsit idem

G R E G O R I U S P A P A I I .

Ad clerum, ordinem, & plebem,

*Cui Bonifacius ordinatus fuerat Episcopus in hunc modum.**Gregorius episcopus servus servorum Dei, clero, ordini, et plebi consistenti Thuringi, dilectissimi filii in Domino salutem.*

Probabilibus desideriis nihil tarditatis praestantes fratrem jam et coepiscopum nostrum Bonifacium vobis ordinavimus sacerdotem. Cui dedimus in mandatis, ne unquam ordinationes presumat illicitas, ne bigandum, aut qui virginem non est sortitus uxorem, neque illiteratum, vel in qualibet corporis parte vitiatum, aut expenitente, vel curiae, aut cuiilibet conditioni obnoxium notatumque, ad sacros ordines permittat accedere; sed si quos hujusmodi forte repererit, non audeat promovere. Afros passim ad ecclesiasticos ordines prætendentes nullaratione suscipiat, quia aliqui eorum Manichei, aliqui rebaptizati

baptizati scipiis sunt probati. Ministeria atque ornatum Ecclesiae, vel quid illud est in patrimonio ejusdem; non minuere studeat, sed augere. De reditu vero Ecclesiae, vel oblatione fidelium, quatuor faciat portiones, quarum unam sibi ipse retineat, alteram clericis pro officiorum sedulitate distribuat, tertiam pauperibus et peregrinis, quartam ecclesiasticis fabricis noverit reservandam; de quibus divino erit judicio redditurus rationem. Ordinationes vero presbyterorum, sive diaconorum, non nisi quarti, septimi, et decimi mensis jejuniis, sed et in ingressu quadragesimali, atque medio, vespere sabbati noverit celebrandas. Sacrosancti autem baptismi sacramentum, non nisi in paschali festivitate et pentecosta noverit esse præbendum, exceptis ijs quibus mortis urgente periculo, ne in æternum pereant, talibus oportet remediis subvenire. Huic ergo sedis nostræ præcepta servanti devotis animis obsequi vos oportet, ut irreprehensibile placitumque fiat corpus Ecclesiae, per Christum Dominum nostrum, qui vivit et regnat cum Deo patre omnipotente, per omnia sæcula sæculorum. Deus incolumes vos custodiat dilectissimi. Data Kalendis Decembris, imperante domino piissimo Augusto Leone à Deo coronato magno imperatore, anno vii. Sed et Constantino magno imperatore ejus filio anno iv. indictione vi.

Quinta ejusdem Pontificis Epistola, quâ veterum etiam Saxonum conversionem ferventissimus Pontifex complexus, sic habet.

Gregorius Papa universo populo provinciæ Alt Saxonum.

Sapienibus et insipientibus debitor sum, fratres charissimi, ideoque volens vos scire, qualem sollicitudinem habeam pro vobis, et pro his, qui verbum exhortationis fidei Jesu Christi Domini nostri suscepérunt, et qui adhuc suscepturi sunt, ut consolentur corda vestra instructa in charitate, et in omnipotente sapientie annuntio vobis, quoniam prope est regnum Dei, ut nemo vos amplius decipiat in sublimitate verborum, aut in quocunque metallo salutem vestram queratis, adorantes idola manufacta, aurea, argentea, ærea, lapidea, vel de quacunque materia facta, quæ falsidicanomina à paganis antiquitus quasi Diifaci sunt, in quibus Dæmones habitare noscuntur, quoniam omnes Di gentium, ut ait scriptura, Dæmonia sunt, Deus autem noster cœlos fecit. Quicunque autem in vobis suscepérunt Christum Jesum Dominum nostrum, in ipso ambulent radicati, et super adificati, et confirmati in fide, abundantes in gratiarum actione. Videte ne quis vos amplius decipiat per Philo-sophiam et inanem fallaciam. Astutiores enim sunt filii tenebrarum, quam filii lucis. Discedite ab Idolorum cultura, et accedite, et adorate Dominum Deum nostrum, qui fecit cœlum et terram, mare et omnia quæ in eis sunt: et vultus vestri non erubescat. Unus enim Dominus hominum, volucrum, quadrupedum et piscium, qui est benedictus in sæcula sæculorum. Expoliate vos veterem hominem, et induite Christum novum, deponentes iram, indignationem, malitiam, blasphemiam, turpem quoque sermonem nolite de ore vestro